

欽定大清會典事例

卷

四百六十一至
四百六十三

欽定大清會典事例卷四百六十一

禮部

喪禮

高宗純皇帝大喪儀

高宗純皇帝大喪儀。○嘉慶四年正月初三日。

高宗純皇帝崩。

仁宗睿皇帝截髮辮成服。儀親王等隨截髮辮成服。

孝和睿皇后時在

皇貴妃位。翦髮摘耳環成服。

惇太妃以下福晉公主以及凡宮人等俱翦髮摘

耳環成服。是日申時大斂。奉

梓宮於

乾清宮中。設

几筵。建丹旄於

乾清門外之左。

簡進爵大臣。陳

法駕鹵簿於

乾清門外至

太和門外。

仁宗睿皇帝行斂奠禮。親王以下有頂戴官員以上。和

碩福晉以下佐領三等侍衛妻以上。及包衣下

男婦等俱齊集。其內裏公主王等福晉俱遵雍正十三年之例。在內齊集。○是日。

簡派睿親王溥穎儀親王永璇成親王永理大學士和
珅王杰尚書福長安德明慶桂署尚書董誥尚
書彭元瑞總管內務府大臣繡布盛住總理一
切喪儀。○又

諭。予受

皇考付託之重。夙夜兢兢。今猝遭大故。

龍馭上賓。搶地呼天。五中摧裂。敬惟

皇考在御六十年來。教養萬國臣民。旰食宵衣。備極勞

瘁。此予所親知親見者。是以薄海內外。共享昇平之福。貽及子孫。追維

鞠育深恩。未由仰報萬一。其服制一節。欽奉

皇考遺誥。持服二十七日而除。但予自沖齡以來。荷蒙皇考教誨。生成於諸兄弟中。鍾愛期望。迴逾常格。自親授大寶後。孜孜

訓政。又逾三載。

高厚深仁。昊天罔極。實非自古帝王。樞前即位者可比。

雖欽奉

皇考遺誥。以日易月。予心實有所不忍。即持服百日。亦

屬日月易盡。而哀慕無窮。自當恪遵古制。敬行三年之喪。庶幾稍盡思慕之忱。至於

郊

廟祭祀大典。自不應因大喪而稍略其禮。其應如何遣官恭代及親詣行禮之處。著諸王大學士等查照向例。集議以聞。所有天下臣民應持服制。仍照定例舉行。○又

諭我

皇考大行太上皇帝。繼統緒則為守成。論

功業則兼開創。自宜崇稱

祖號。以副

鴻名。惟是

聖德謙沖。曾同軍機大臣等共承

面諭。萬年之後。當以稱宗為是。予雖欲極意尊崇。不敢

上違

遺訓。惟

至德難名。究非臣下所能擬議。謹案諡法。肇紀立極曰

高。我

皇考聖神文武。式廊

鴻基。敬上

廟號曰

高宗。為百世不祧之廟。其應擬

尊諡。徵稱。著大學士九卿等敬稽典禮以聞。用副予尊

崇

謨烈。孺慕顯揚至意。○又

諭。雍正十三年

皇祖世宗憲皇帝龍馭上賓。其時各省督撫提鎮及藩

臬等。多有陳請叩謁

梓宮者。曾經

皇父降旨停止。今遭

大行太上皇帝大事。除直隸總督提督鹽政。距京較近。自應來京恭謁。

梓宮。總兵藩臬以下。俱不必來京。致曠職守。其各省將軍督撫副都統提鎮城守尉。並盛京侍郎奉天府尹。及西北兩路將軍大臣。並鹽政織造關差等。均著遵前例不必來京。惟當實心任事。仰副

皇考之委任。不在儀節虛文也。○又奏准。

几筵前。每日點香鐙看守之處。交與總管太監。所有王以下文武各官宗室覺羅等。公主福晉以下。鄉君奉恩將軍妻恭人以上。民公夫人以下。佐領

三等侍衛妻以上宗室之女等。俱成服。內務府官員。領催拜唐阿等。俱截髮成服。內府三旗官員。護軍領催拜唐阿之妻。及管領下執事男婦等。俱翦髮成服。革職宗室覺羅亦准成服。在京之外。藩公主福晉格格等。額駙王台吉等。及外國貢使。均令成服。其二十七日内至京者。一體成服。二十七日後至者。男去冠纓。女去首飾。凡三日。至專司

壇

廟

堂子

奉先殿

壽皇殿

坤寧宮祭

神殿

陵寢。一應祭祀事務官員內監等及出征在軍營官兵家屬均停止孝服。凡有父母新喪子女出痘者亦暫免成服。仍百日不薙髮。

御前王大臣侍衛

乾清門侍衛等咸令在

乾清門內。五旗王以下。入八分公以上。內大臣。內閣大學士。前鋒統領。護軍統領。上三旗都統。副都統。學士等。上三旗侍衛。閒散。宗室。覺羅。包衣官員。咸在。

乾清門外齊集。五旗都統。副都統。八旗官員。各部院滿漢大臣官員。在京之大臣官員。凡應齊集人員。俱在。

景運門外各分翼齊集。每日三次。俟

梓宮前奠獻時。按班舉哀行禮。在內公主福晉等。在

景山柵欄外乘馬進。

神武門。至

蒼震門下馬進內。於

几筵殿內行禮。五旗王等福晉郡主等。在

景山柵欄外乘馬進

神武門。至

隆宗門下馬進內。大臣等命婦應進內者。在

景山柵欄外乘馬至

神武門下馬。步行進

隆宗門。於

几筵殿下丹墀右行禮。其不應進內之命婦等。於

隆宗門外齊集。每日三次。隨班舉哀行禮。凡三日。
第四日。王貝勒貝子公等公主王之福晉等。在
各私第齊室。部院官員。在各公署。八旗及閒散
官員。在各衙門。喪服二十七日。於每日齊集時
均齊集。恭理喪儀。王大臣守衛執事各官。喪服
百日。王公官員軍民人等。均百日不薙髮。近派
宗室。二十七月內不嫁娶。遠派宗室及在京王
公大臣文武官員。期年內不嫁娶。二十七月內
不作樂不燕會。在京兵民人等。摘纓緯穿素服
二十七日。百日內不嫁娶。不作樂。文武候補候

選官員肄業貢監生吏典僧道官俱穿素服在順天府齊集三日。早晚舉哀。未脫孝內批本用藍筆。各部院奏章。俟十五日後再行進奏。二十七日內奏疏文移俱用藍印。所有京城寺廟各撞鐘三萬杵。○每日朝晡日中三奠。

法駕鹵簿全設。內外齊集。屆時禮部堂官奏請

仁宗睿皇帝出倚廬詣

几筵前。東立西嚮哭。衆傳哭。迺啟

宮門。恭理喪儀王大臣及執事官率尚茶尚膳官

奉茶膳由中門中路進至

几筵前。尚茶跪進茶。內外齊集人員咸跪。

仁宗睿皇帝親舉茶。恭奠於茶几。行一拜禮。衆皆隨行禮。尚茶徹茶。次尚膳進膳。

仁宗睿皇帝親上食畢。執事官進奠几於正中。

仁宗睿皇帝詣奠几前跪。奉爵大臣跪進爵。

仁宗睿皇帝祭酒三爵。每祭行一拜禮。衆皆隨行禮興。

乃徹饌。闔門哀止。

仁宗睿皇帝還倚廬。衆各退。○初四日。王大臣等奏稱。孝經云。天子以德教加於百姓。施於四海為孝。是以天子之孝與士庶人不同。

萬幾至重。凡

視朝聽政及恭遇

郊

廟大祀。皆屬政典攸關。若持服三年。未免曠廢。况

大行太上皇帝龍馭上賓。

皇帝孝思罔極。呼號擗踊。盡禮盡哀。實為古來所未有。

已足申哀慕之忱。伏願

皇帝念

天

地